

رائعة أنا إخوان " متلفز "



الخميس 13 يونيو 2013 12:06 م

نافذة مصر

ننشر القصيدة الكاملة رائعة أنا إخوان
أنا إخوان ... وكل المسلمين إخوان
ما دام السنة منهجهم مع القرآن
أنا إخوان وكنت الصاوى بالميدان
وبفلسطين أنا الياسين وأنا الرنتيسى والقسام
وأنا اللي جاهدت فى الشيشان .. وبالاغغان أنا عزام

أنا إخوان رفضت الظلم والطغيان
فى عهد فاروقى وقبله فؤاد ..
وبعده جمال وبعده سادات
ومات الكل وأنا عايش ... وأنا إخوان

أنا إخوان وأنا عمرى ما كنت جبان
ولا عندى ياناس نسوان
وحتى الست عندنا بعيت راجل من الابطال
وتعرف ايه عن زينب؟؟؟ وتعرف ايه عن ام نضال

أنا إخوان
أنا غايتى رضا الرحمن
ودستورى ومنهاجى آيات قرآن
وقدوتى وتاج راسى نبى عدنان
أنا إخوان .. طريقى جهاد
وإميتى أنا استشهاد

أنا إخوان
أنا سلفى وأنا صوفى
وأنا سياسى وأنا رياضى
وأنا فنان

وأنا بالليل مع الرهبان
وفى الجبهة مع الفرسان
وفى الازمة ... أنا الاحسان
وأنا ف عملى أنا بكون اتقان

أنا إخوان وبتحارب من اللى خان وم الاعلام
وكان بيقولى يا محظور .. وكان خايف م السلطان

وكان قبلى مهوش قادر يقول كلمة
ودلوقتى يقول خرفان
ويرمىنى بميت تهمة وميت صفقة
ويوصفنى كأنى شيطان ..
وبالملتوف يولعنى ... وبالخرطوش يودعنى
وانا صابر وانا راضى وانا قادر أكون بركان
لكن صابر عشان ربي
لكن صابر عشان بلدى
انا متربى ف الاخوان

انا اخوان
رفضت المية م الظالم وانا عطشان
ولما رمونا ف الصحرا بقت بستان
انا اخوان ظلمنى السجن والسجان
وشوفت من العذاب الوان
ورغم د كله ياجدعان
رفضت العنف والاجرام
ولا عمرى زرعت الخوف
... ولا حدفت بالملوتوف
ولا طوبة ولاشمروخ
انا عمرى م كنت خروف
ولا بمشى ورا الاجرام
وانا عمرى م هشتم حد
وانا عمرى م كفر حد
انا بمشى ورا علماء مع السنة مع قرآن
انا اخوان ... وعلمائى فى كل مجال
وفى الفتاوى ... أنا سابق وقرضاوى وعبد رحمن
وفى التفسير ... أن سيد وفرماوى ... وفى القرآن انا القطان
وف التاريخ .. انا راغب وعب هادى وف الاحاديث نزار ريان
وف الجيولوجيا ... انا عودة ... وف الاعجاز أنا النجار
وف القوانين ... أنا عودة ... انا القاضى اللى عدمه جمال
وف التموين أنا عودة وف انا اللى مكمل المشوار
وفى الكورة انا خشبة .. وف الاشعار انا الدهشان

انا اخوان واخوانى ف كل مكان
يبحموا السنة والقرآن

انا ف تونس ... انا راشد
وف الاقصى ... أنا رائد
وبالاردن انا همام

وفى السودان نور الدايم
وفى سوريا انا حوى وانا الثائر
وفى ليبيا انا سليمان
وانا العسال ف باكستان
انا وطنى فى اى مكان ينادى ادان

انا اخوان
انا مش ملك ... ولاشيطان
انا انسان
اكيد مرة هكون غلطان
فسامحنى وخد ايدى ... واخذ ايدك .. دا انا وانت صحاب وجيران
ولما تشوفنى بضحكك بتضحكى مع الاحضان
فليه تسمح لاعلامنا يفرقتنا كأنى شيطان
انا ف الفجر فى الجامع .. يكون ساجد واكون راعع ... وبدعيلك اله منان ... وقول يارب جمعنا ... وقول يارب وفقنا
دا انا وانت ياصاحبى اخوان وف وكل المسلمين اخوان

